



Nr. 61 Viti i gjashtë i botimit Qershor 2018

*Në këtë numër do të gjeni:*

- ...me këtë rast Ju kujtojmë se...
- Biodiversiteti i Ligenit të Shkodrës dhe lumit Buna
- Lançohet Projektit Blue Land /Territoret Blu
- Takim i Rrjetit CO-SEED në Malin e Zi
- Shërbimet e Ekosistemit Ndërkufitar
- Udhëtim Rinor / nga Shoqata Mjedisore Çajupi
- Lançohet Bordi i Përbashkët Këshillimor Sharr/ŠarPlanina-Korab-Kortinik
- Takimi i Parë i Bordit të Përbashkët Këshillimor të Sharr/ŠarPlanina-Korab-Kortinik
- Si e përmirëson pjesëmarrja publike vendimmarrjen për çështjet mjedisore?
- 10 Maji - Dita Botërore e Shpendëve shtegëtar
- 21 Maji - Dita Evropiane e Rrjetit Natura 2000
- 22 Maji - Dita Ndërkombëtare e Diversitetit Biologjik
- 24 Maji - Dita Evropiane e Parqeve
- Njoftime

*...me këtë rast Ju kujtojmë se  
16 vjet më parë...*

Shpallet Ligji nr. 8906, datë 06.06.2002 "Për zonat e mbrojtura".

Ligji ka për objekt shpalljen, ruajtjen, administrimin, menaxhimin dhe përdorimin e qëndrueshëm të zonave të mbrojtura dhe të

*Vijon në faqe 2*



*Vijon nga faqe 1*

burimeve natyrore e biologjike të tyre; lehtësimin e kushteve për zhvillimin e turizmit mjedisor; për informimin dhe edukimin e publikut dhe për përfitime ekonomike, të drejtpërdrejta dhe të tërthorta, nga popullsia vendore, nga sektori publik dhe privat.

Qëllimi i këtij ligji është të sigurojë mbrojtje të veçantë të përbërësve të rëndësishëm të rezervave natyrore, të biodiversitetit dhe të natyrës, në tërësi, nëpërmjet krijimit të zonave të mbrojtura.

Zonat e mbrojtura krijohen për të siguruar ruajtjen dhe ripërtëritjen e habitateve natyrore, të llojeve, të rezervave dhe të peizazheve natyrore.

Njëherazi, ligji rregullon mbrojtjen të zonave të mbrojtura, nëpërmjet 6 kategorive, që zbatohen në territorin e Republikës së Shqipërisë. Kategorizimi i zonave, statusi dhe niveli i mbrojtjes për secilën zonë mbështetet në kriteret e Qendrës Botërore të Ruajtjes së Natyrës (IUCN).

**Me Ligjin nr.9868, datë 04.02.2008 "Për disa shtesa dhe ndryshime në ligjin nr.8906, datë 06.06.2002 "Për zonat e mbrojtura",** u përcaktuan qartasi kriteret për shpalljen e një territori zonë e mbrojtur; procesi i nënzonimit sipas rëndësisë së habitateve dhe të ekosistemeve që bëjnë pjesë në to dhe shkalla e ruajtjes së tyre; përcaktimi i zonave ku strehohen tipat e habitateve natyrore, me interes për komunitetin europian dhe të habitateve të llojeve, me interes për këtë komunitet; shpalljen e zonave të veçanta të ruajtjes, duke theksuar që këto zona janë pjesë e rrjetit ekologjik kombëtar dhe mund të përfshijnë edhe zona të mbrojtura brenda rrjetit përfaqësues të zonave të mbrojtura, si dhe ekosisteme, habitate e peizazhe jashtë këtij rrjeti.

Janë caktuar kriteret e vlerësimit të zonës për

një tip të caktuar habitati natyror, me interes për komunitetin europian si dhe kriteret e vlerësimit të zonës për një lloj, me interes për këtë komunitet.

Një risi në ndryshimet e ligjit bazë të zonave të mbrojtura është edhe shpallja e Parqeve Natyrore Rajonale. Përveç zonave të mbrojtura, me karakter kombëtar, që përfshihen në rrjetin përfaqësues të zonave të mbrojtura, këshillat e qarqeve, për nevoja të komunitetit, mund të shpallin parqe natyrore rajonale mjedise, që janë pronë e tyre e që kanë vlera natyrore, të tilla si pyje, kullota, rezervuarë, ligatina etj...

**...12 vjet më parë ...**

...me VKM nr.402, **datë 21.06.2006**, ekosistemi natyror i Malit të Dajtit, shpallet "Park Kombëtar" me sipërfaqe të zgjeruar prej 29,384.18 ha...

**...8 vjet më parë ...**

...me VKM nr.44, **datë 09.06.2010**, sipërfaqja prej 12,570.82 ha e Parkut Kombëtar Detar "Karaburun-Sazan" zvogëlohet në 12,427.95 ha...

**...8 vjet më parë ...**

...me VKM nr.519, **datë 30.06.2010** miratohen "Procedurat e propozimit e të miratimit dhe rregullat e administrimit të Parqeve Natyrore Rajonale"...

**...7 vjet më parë ...**

...me urdhër të ministrit të Mjedisit nr. 404, **datë 09.06.2011**, u miratua Plani i Menaxhimit për Parkun Kombëtar "Butrint", me sipërfaqe prej 9,424.4 ha...

...me urdhrin nr. 405, **datë 09.06.2011**, u miratua Plani i Menaxhimit për Rezervatin Natyror të Menaxhuar "Kune-Vain-Tale", me sipërfaqe 4,393.2 ha....

### ...5 vjet më parë ...

...me VKM nr.489, datë 13.06.2013, në zbatim të detyrimeve të konventës Ramsar "Konventa e ligatinave të rëndësisë ndërkombetare veçanërisht si habitat i shpendëve të ujit", territori prej 15,118.6 ha, i Prespës së Madhe dhe të Vogël, u shpall dhe u përfshi në listën e ligatinave ndërkombetare veçanërisht si habitat i shpendëve ujorë, i rregjistruar me nr.site 2151, datë 03.07.2013.



### ...4 vjet më parë ...

...më 11.06.2014, Këshilli Koordinativ Ndërkombëtar (ICC) i Programit "Njeriu dhe Biosfera" të UNESCO ka miratuar nominimin e Rezervës Ndërkufitare të Biosferës Ohër-Prespe (RNBOP) në sesionin e 26, të mbajtur në Joenköping, Suedi. Rezerva e re Ndërkufitare e Biosferës Ohër-Prespë përfshin basenin e liqenit të Ohrit dhe basenin e të dy liqeneve të Prespës, që lidhen me të. Sipërfaqja e rezervës në pjesën shqiptare e maqedonase të basenit të Ohrit dhe nën-baseneve të liqeneve të Prespës, është 446,244.52 ha. Kjo rezervë biosfere mbështetet mbi tre shtylla si: Konservimi; Zhvillimi i qëndrueshëm; Shkenca, edukimi dhe ndërgjegjësimi (logjistika).

### Programi "Njeriu dhe Biosfera" (UNESCO)

I njeh zonat e mbrojtura si komponent kyç në caktimin dhe menaxhimin e rezervave të biosferës dhe si mjete të rëndësishme për arritjen e objektivave të menaxhimit të qëndrueshëm. Nëpërmjet aplikimit të konceptit të rezervave të biosferës, programi siguron një kornizë ndërkombëtare për: i) ruajtjen e diversitetit natyror dhe kulturor; ii) nxitjen e modeleve të menaxhimit të tokës dhe metodave të zhvillimit të qëndrueshëm; dhe iii) përmirësimin e njohurive mbi ndërveprimin midis njerëzimit dhe natyrës nëpërmjet kërkimit, monitorimit, edukimit dhe trainimit.

Drejt kësaj iniciative synohet të shkohet nëpërmjet zbatimit të projektit ndërkufitar për Ohrin e Prespën. Me shpalljen e Prespës së Madhe dhe të Vogël "Park Kombëtar", dhe integrimin e tij me parqet e tjerë ndërkufitare, është hapur rruga për rritjen e bashkëpunimit dhe arritjen e synimit rajonal për krijimin e një "Rezerve të Biosferës së Ballkanit". Më 13.10.2014 inagurohet zyrtarisht, në Korçë (Prespë), "Rezerva Ndërkufitare e Biosferës Ohër

-Prespë (RNBOP)", pas një procesi të gjatë me aktorët më të rëndësishëm në rajon.

Këshilli Koordinativ Ndërkombëtar (ICC) i Programit "Njeriu dhe Biosfera" të UNESCO-s ka miratuar nominimin e RNBOP në sesionin e 26 të mbajtur në Joenköping, Suedi, më 11.06.2014. Rezerva e re Ndërkufitare e Biosferës Ohër-Prespë përfshin basenin e liqenit të Ohrit si dhe basenin e të dy liqeneve të Prespës, që lidhen me të. Sipërfaqja e rezervës në pjesën shqiptare e maqedonase të basenit të Ohrit dhe nënbaseneve të liqeneve të Prespës është 446,244.52ha. E gjithë zona karakterizohet nga një biodiversitet i pasur me specie të rralla e të rrezikuara në nivel global. Liqenet e Ohrit dhe Prespës, për shkak të gjenezës historike, kanë në gjirin e tyre specie të shumta endemike të cilat janë unike dhe gjenden vetëm në ekosistemin ujor dhe në ekosistemet tokësore për rreth liqeneve. Objektivi qendror në krejt Rezervën Ndërkufitare të Biosferës është zhvillimi i përdorimit të qëndrueshëm të burimeve natyrore në dobi të banorëve lokalë.

## Biodiversiteti i Liqenit të Shkodrës dhe lumit Buna

**3 Maj 2018** - Podgorice, Mal i Zi - Me ftesë të organizatës malazeze Green Home, INCA dhe AdRZM Shkodër morën pjesë në Tryezën e Rrumbullaket "Biodiversiteti i Liqenit të Shkodrës dhe lumit Buna".

Qëllimi i kësaj Tryeze të organizuar me rastin e Ditës së Drinit ishte edukimi i paleve të interesuara rreth vlerave të liqenit të Shkodrës si dhe informimi i publikut rreth kushteve hidrologjike të lumit Buna.

Në takom merrnin pjesë përfaqësues të Ministrisë së Mjedisit të Malit të Zi, të institucioneve pua e të cilave ka në objekt ujin, profesorë, studentë, OJF të ndryshme, përfaqësues të medias etj.



## Laçohet Projektit Blue Land / Territoret Blu

**7 Maj 2018 - Tiranë** - Laçohet Projektit Blue Land ose ndryshe Territoret Blu i cili do të synojë krijimin e një modeli të përbashkët, i cili do të zbatohet dhe në zonat e tjera bregdetare të mesdheut.



Në konferencë ishin të pranishëm znj.Oranela Çuçi, Zv.Ministre e Turizmit dhe Mjedisit, z.Zamir Dedej, Drejtor i Agjencisë Kombëtare të Zonave të Mbrojtura, z.Nino Merola, Drejtor i AICS, bashkëpunimi Italian në Shqipëri dhe përfaqësues të tjerë të institucioneve kombëtare dhe ndërkombëtare.

"Ne kemi nevoj për modele menaxhimi, për të përfituar nga eksperiencat evropiane si dhe për të ecur në një rrugë me to. Përcaktimi i një modeli ndërkufitar menaxhues, ka për qëllim zhvillimin dhe ngritjen e një modeli qeverisës me pjesëmarr-

rje në nivel ndërkufitar, duke përfshirë komunitetet lokale bregdetare, për përcaktimin e akcioneve për mbrojtjen e mjedisit dhe përdorimin e qëndrueshëm të burimeve detare dhe bregdetare", tha Ornela Çuçi Zv.Ministre e Turizmit dhe Mjedisit.

Tre zonat e projektit përfshijnë habitatet detare dhe bregdetare përgjatë tyre pjesë e tre shteteve Shqipëri, Itali dhe Mal i Zi si më poshtë:

- Bregut të Otranto-Leuca në Pulia, Itali
- Bregu i Ada-Bojanës (Buna), duke përfshirë dhe



ligatinat bregdetare të Bunës dhe dunat e rërës përgjatë pjesës së deltës së lumit në pjesën e Malit të Zi dhe Zona e gjirit të Porto- Palermos në jug të të Shqipërisë.

Projekti ka një kohëzgjatje prej 24 muaj me një kosto totale prej mbi 1 miliard Euro, *Vijon në faqe 5*

Vijon nga faqe 4

ndërkohë që zona e Porto - Paler-



mos do të përfitojë një vlerë të këtij programi në shifrën e 197 mijë Euro.

Projekti paraqet një qasje të re në mënyrën e menaxhimit të burimeve detare dhe bregdetare, me pjesëmarrjen e komunitetit, duke vlerësuar mbrojtjen e burimeve e tyre, të habitateve ndërkufitare, biodiversitetit dhe shërbimeve të ekosistemeve.



"Ky model do të sjell një menaxhim të këtyre burimeve, nga niveli lokal, duke treguar një formë menaxhimi të krahasueshme me atë të një Zone të Mbrojtur Detare, duke dhënë shembullin që çdo zonë mund të menaxhohet në mënyrën e duhur dhe pse nuk është një zonë e mbrojtur.

Ky model, i cili do të zbatohet edhe në nivel rajonal do të realizohet nëpërmjet ngritjes së një Grupi Zbatues Ndërkufitar i quajtur Blue Lands", tha Zamir Dedej, Drejtori i AKZM.

Përcaktimi i një modeli ndërkufitar menaxhues (i quajtur Blue Lands), ka për qëllim zhvillimin dhe

ngritjen e një modeli qeverisës me pjesëmarrje në nivel ndërkufitar, duke përfshirë komunitetet lokale bregdetare, për përcaktimin e aksioneve për mbrojtjen e mjedisit dhe përdorimin e qëndrueshëm të burimeve detare dhe bregdetare.

Partnerët e territoreve blu, shoqatat e peshkatarëve, zonat e mbrojtura në nivel lokal, qytetarët dhe të gjithë aktorët lokalë do të përfitojnë nga rezultatet e arritura.

Gjithashtu përfitim do të ketë dhe sektori i tur-



izmit dhe peshkimit si dhe aktorët e tjerë që kanë interes ekonomik në zonën e Blue Land, të cilët do të luajnë një rol kyq, në përgatitjen e planit të menaxhimit duke u fokusuar në përfitimin ekonomik, nga krijimi i këtyre Territoreve Blu.

Në këtë kuadër u zhvillua edhe takimi i parë dy ditor midis partnerëve të projektit të cilët diskutuan mbi ecurinë e projektit dhe sfidat që i presin përpara.



## Takim i Rrjetit CO-SEED në Malin e Zi

**15-16 Maj 2018 - Podgoricë, Mali i Zi** - U mbajt në Podgoricë takimi dy ditor i rrjetit të OSHC-ve, i cili u formua në kuadër të projektit "Shoqëria civile vepron për zhvillimin e qëndrueshëm socio-ekonomik mjedisor (CO-SEED)" dhe mbështetet nga BE.

Më shumë se 30 anëtarë të OSHC-ve nga Serbia, Kroacia, Bosnja dhe Hercegovina, Shqipëria,



Turqia dhe Mali i Zi paraqitën aktivitetet e tyre në lidhje me objektivat e projektit CO-SEED, specifikisht për të përmirësuar kuadrin legjislativ në lidhje me studimet e ndikimit mjedisor (VNM / VSM). Rezultati kryesor i takimit ishte krijimi i një plani veprimi të detajuar që synon të arrijë këtë qëllim në rajon, një udhërrëfyes për përmirësimin e kornizave legjislative.

## Shërbimet e Ekosistemit Ndërkufitar

**21 Maj 2018 - Kukës** - U mbajt në Kukës tryeza e rrumbullakët e rradhës e organizuar nga INCA mbi "Analizën e aktorëve lokal në këndvështrimin e menaxhimit ndërkufitar të ekosistemeve në Sharr/ ŠarPlanina-Korab-Koritnik". Takimi mbështetet nga GIZ në kuadër të projektit "Shërbimet e Ekosistemit Ndërkufitar".

Qëllimi i takimit ishte të konsultojë dhe identifikojë në bashkëpunim me grupet e interesit në nivel lokal, përfaqësojnë të tyre në menaxhimin e ekosistemeve ndërkufitare të Sharr/ ŠarPlanina-Korab-Koritnik.

Takimi synonte të konsultojë me aktorët kryesorë lokal strukturën e përbashkët trepalëshe

(Shqipëri-Kosovë-Maqedoni) e cila do të shërbejë si një mekanizëm ndërkufitar bashkëpunimi në funksion të Vizionit të Përbashkët për Zonën e Mbrojtur Ndërkufitare të Sharrit-Korab-Koritnik nënshkruar në 2013 dhe konfirmuar nga Deklarata e përbashkët e tre ministrave të Mjedisit të tre vendeve (Shqipëri, Maqedoni dhe Kosovë)

në Mars 2017.

Në takim merrnin pjesë përfaqësues të AdRZM-ve Kukës dhe Dibër, përfaqësues të GIZ, të organeve të pushtetit vendor, të institucioneve qëndrore, të OJF-ve që operojnë në zonë etj.



## Udhëtim Rinor / nga Shoqata Mjedisore Çajupi

**24 Maj 2018** - Shoqata Mjedisore ÇAJUPI si pjesë e Rrjetit për Mbrojtjen e Natyrës, në bashkëpunim me AdZM Gjirokastrë, Shërbimin Pyjor Bashkiak Përmet dhe Shkollën 9-të vjeçare "Meleq Gosnishti" Përmet, në kuadër të programit SENIOR II dhe projektit "Promovimi dhe adresimi i përdorimit të qëndrueshëm të burimeve dhe vlerave natyrore në Zonat e Mbrojtura" të mbështetur nga REC Shqipëri dhe Ambasada Suedeze, organizoi një "Udhëtim Rinor" në



"Parkun Kombëtar "Bredhi i Hotovës-Dangëlli". Ky aktivitet i përbashkët "Udhëtim Rinor" me nxënësit e shkollës 9-të vjeçare "Meleq Gosnishti" Përmet i shërben promovimit, përmirësimit e menaxhimit të përbashkët të burimeve natyrore në Zonat e Mbrojtura si dhe ngritjes dhe forcimit të një bashkëpunimi që inkurajohen nxënësit dhe të rinjtë nga zona, për të qënë udhërfyes të guidave natyrore në Parkun Kombëtar "Bredhi i Hotovës Dangëlli".

## Lançohet Bordi i Përbashkët Këshillimor Sharr/ŠarPlanina-Korab-Kortinik

**31 Maj 2018 - Popova Shapka - Maqedoni** - Në kuadër të projektit "Shërbimet e Ekosistemit Ndërkufitar" të mbështetur nga GIZ u lançua Bordi Ndërkufitar i Përbashkët Këshillimor Sharr/ŠarPlanina-Korab-Kortinik i cili do të jetë mbështetës për vizionin e përbashkët të administrimit dhe zhvillimit të qëndrueshëm të kësaj zone ndërkufitare, sikurse është deklaruar



në vitin 2013 nga tre ministat e mjedisit të tre shteteve. Në këtë deklaratë është shprehur vullneti për të mbështetur më tej gurët e themelit të një zhvillimi të qëndrueshëm për rajonin e Sharr/ŠarPlanina-Korab-Kortinik.

## Takimi i parë i Bordit të Përbashkët Këshillimor Sharr/ŠarPlanina-Korab-Kortinik

**31 Maj 2018 - Popova Shapka - Maqedoni** - Në mbyllje të aktivitetit për lançimin e Bordit u zhvillua edhe takimi i parë i Bordit të Përbashkët Këshillimor Sharr/ŠarPlanina-Korab-Kortinik i cili u organizua nga partneri shqiptar në këtë bord me fokusin e nxitjes së mirëmenaxhimit të zonës dhe promovimit të vlerave natyrore për një zhvillim të qëndrueshem.



kuadër të projektit "Shërbimet e Ekosistemit Ndërkufitar" i financuar nga GIZ.



Ky bord mori aprovimin e të gjitha paleve të interesuara që të kryejë funksionet e prezantimit të një grupi më të madh aktoreësh që shprehin interesin për zonën.

Ky event u organizua dhe lehtësua nga INCA në



## Si e përmirëson pjesëmarrja publike vendimmarrjen për çështjet mjedisore?



**CO-SEED** *Fragmente nga manuali i praktikave më të mira botërore*

Shteti: **Ekuator**

Rasti: Projekti i kontrollit të përmytjeve të lumit Guayas të poshtëm

*Theksi: Përfshirja e hershme dhe transparente e OJQ-ve lehtëson pjesëmarrjen e tyre kuptimplotë.*

Projekti i kontrollit të përmytjeve të lumit Guayas të poshtëm synonte reduktimin e përmytjeve rurale dhe urbane, përmirësimin e shëndetit dhe kushteve të jetesës së vendasve, mbështetjen e zhvillimit të bujqësisë, si dhe mbrojtjen e burimeve natyrore dhe të mjedisit. Ndërmarrja e VNM-së ishte pjesë e studimeve të

realizueshmërisë, dhe termat e referencës përfshinin dispozita për konsultimet e palëve të interesit për të siguruar marrjen parasysh të pikëpamjeve të tyre. Palët e interesit ishin njerëzit e prekur, OJQ-të vendase, dhe ekspertët shkencorë vendas.

Para fillimit të përgatitjes së projektit u mbajt mbledhja e parë në formën e një seance informuese ku morën pjesë disa OJQ. Në fazat e mëtejshme, u mbajtën gjashtë mbledhje konsultuese ndërmjet agjencisë së zbatimit, OJQ-ve, përfaqësuesve të universitetit, dhe konsulentëve të VNM-së.

Konsultimet patën këto përfundime:

Pavarësisht kostove më të larta, modeli i projektit u ndryshua që të

*Vijon në faqe 9*  
Faqe 8

Vijon nga faqe 8

përcaktohej një pozicion i ri i kanaleve të largimit të përmytjeve, në mënyrë që të ruhej një ligatinë e rëndësishme.

Në mënyrë të ngjashme, u anulua edhe grykëderdhja e një rezervuari të ri në lum në përgjigje të shqetësimit të ngritur nga OJQ-të që grykëderdhja do të dëmtonte pyllin rizofores

në deltë. Në vend të saj u vendos të zhvillohej një model me shumë grykëderdhje në bashkëpunim me OJQ-të.

Në projekt u përfshinë edhe mekanizmat e pjesëmarrjes së OJQ-ve gjatë zbatimit të projektit, që kishin rol monitorues.

## 10 Maji - Dita Botërore e Shpendëve shtegëtar

### 10 Maji - Dita Botërore e Shpendëve shtegëtar

#### Unifikimi i zërave tanë për konservimin e shpendëve

Dita Botërore e Shpendëve Shtegëtar ka filluar të festohet nga viti 2006 dhe ka si qëllim që të sjellë në vëmendjen e popullatës dhe të shërbejë si një ditë ndërgjegjësimi për mbrojtjen e shpendëve migrator dhe habitatet e tyre. Kjo dite organizohet nga Sekretariati i Konventës për Ruajtjen e Specieve Migruese të Kafshëve të Egra (Konventa e Bonit) dhe Marrëveshja për Ruajtjen e Shpendëve Ujor Shtegëtar Afrikano-Euroziatik, dy marrëveshje ndërkombëtare për mbrojtjen e jetës së egër që administrohen nga Programi i Kombeve të Bashkuara për Mjedisin (UNEP).

Më 26 tetor 2017, në kuadër të CMS COP12 në Manila, Mjedisin për Amerikat (EFTA), Konventës

për Ruajtjen e Specieve Migruese të Kafshëve të Egra dhe Marrëveshja për Ruajtjen e Shpendëve Ujor Shtegëtar Afrikano-Euroziatik, u proklamua një partneritet inovativ për rritjen e ndërgjegjësimi të gjendjes së shpendëve migrues në mbarë botën. Partneriteti i ri zyrtar bashkon dy nga fushatat më të mëdha të edukimit të shpendëve në botë, Ditën Ndërkombëtare të Shpendëve Migratorë (IMBD) dhe Ditën Botërore të Shpendëve Migratorë (WMBD) në një përpjekje për të përforcuar njohjen dhe vlerësimin global të zogjve migrues, si dhe thekson nevojën urgjente për ruajtjen e tyre. Nga viti 2018 e tutje, fushata e re e përbashkët do të miratojë emrin e vetëm të "Ditës Botërore të Zogjve Migratorë", dhe ngjarjet kryesore për të përkujtuar këtë ditë do të organizohen dy herë në vit, të shtunën e dytë të majit dhe tetorit.

Vijon në faqe 10



Vijon nga faqe 9

Viti 2018 shënon një fillim të ri për Ditën Botërore të Zogjve Migratorë, pasi ai tani bashkon korridoret kryesore të fluturimit të zogjve të planetit, ose fluturimet, përkatësisht fluturimet afrikano-eurasiatike, aziatiko-australiane dhe amerikane. Përveç kësaj, për të bërë festimet edhe më të suksesshme dhe më të rëndësishme për përkrahësit e zogjve anembanë botës, WMBD tani do të ketë dy ditë përkujtimi gjatë vitit - të shtunën e dytë të majit dhe tetorit - dhe mund të vazhdohet të përkujtohet apo festohet gjatë gjithë vitit, sa herë që zogjtë migrues janë të pranishëm në një lokalitet të caktuar.

Prandaj, viti 2018 është një vit i rëndësishëm tranzicioni në historinë e Ditës Botërore të Zogjve Migratorë. Duke sjellë së bashku edhe më shumë njerëz në mbarë botën, WMBD synon të arrijë në një audiencë më të gjerë dhe të plotësojë mesazhin e saj për ruajtjen e shpendëve. Si një platformë e re globale që unifikon përpjekjet në mbarë botën, WMBD do të përforcojë edukimin dhe ngritjen e vetëdijes për nevojën për të mbrojtur zogjtë migrues dhe

habitatet e tyre - në të gjitha nivelet dhe në të gjitha anët e botës.

WMBD i kushton vitit 2018 fluturimet e saj kryesore dhe bashkëpunimit të ri ndër-fluturues Me "Unifikimin e zërave tanë për konservimin e shpendëve", si temë e saj për vitin 2018, në "Vitin e zogjve", WMBD po fokusohet në mënyrë të qartë dhe të fuqishme në zhvillimin e identitetit të vet të ri dhe nevojës për përkujtim nga njerëzit që festojnë në mbarë botën për të komunikuar dhe mësuar nga njëri-tjetri, përtej kufijve, brenda dhe mes korridoreve të fluturimit në botë. Nëpërmjet aktiviteteve që po ndërmerren në këto tre korridore fluturimi, si dhe shkëmbimit të informacionit, WMBD dëshiron të rrisë nivelin e ndërgjegjësimit për kërcënimet - si të përgjithshme dhe specifike - me të cilat ballafaqohen zogjtë. Duke krahasuar përvojat dhe shqetësimet e tyre, duke ndarë ngjarjet dhe tregimet e tyre, njerëzit në mbarë botën do të bëjnë zërat dhe veprimet e tyre të shtrihen edhe më tej, gjatë gjithë rrugëtimeve, duke nënvizuar faktin se konservimi i zogjve është me të vërtetë një çështje globale.

## 21 Maji - Dita Evropiane e Rrjetit Natura 2000

### 21 Maji - Dita Evropiane e Rrjetit Natura 2000

Dita Evropiane e Natura 2000 lidhet me 21 Majin e vitit 1992, kur u aprovuan së bashku Direktiva e Habitave të BE dhe Programi LIFE. Kjo Direktivë së bashku me atë të Zogjve (e aprovuar më herët në 1997), krijuan bazën për Rrjetin e zonave të mbrojtura Natura 2000. Sot, Natura 2000 përmban rreth 27 000 site në zonat tokësore dhe detare të BE, të cilat kontribuojnë me mjaft sukses në ruajtjen e trashëgimisë sonë unike natyrore evropiane.

Në përkujtim të Rrjetit Natura 2000, një prej arritjeve më të jashtëzakonshme të BE, dhe në nderim të përpjekjeve të të gjithë atyre që e

kthyen atë në sukses, Komisioni Evropian së bashku me Parlamentin Evropian, Presidencën e Këshillit dhe Komitetit të Rajoneve deklaruan 21 Majin si Ditën Evropiane të Natura 2000.

Nën këtë premisë, qëllimi është që çdo person, organizatë ose institucion të bëjë një gjest të

Vijon në faqe 11



Natura 2000 DAY

Vijon nga faqe 10

vetëdijes shoqërore në favor të ruajtjes së ekosistemit natyror dhe zogjve që banojnë në të.

Që në vitin 2010 INCA në bashkëpunim të ngushtë me WWF për Mesdheun (WWF MedPO)

ka mbështetur zhvillimin e Rrjetit Natura2000 në Shqipëri nëpërmjet projektit "Mbrotjtja e biodiversitetit - fuqizimi i rolit të OJF-ve për promovimin e Rrjetit Natura2000".

## 22 Maji - Dita Ndërkombëtare e Diversitetit Biologjik

### 22 Maji - Dita Ndërkombëtare e Diversitetit Biologjik

#### Duke festuar 25 Vitet e Veprimit për Biodiversitetin

Sekretariati ka shpallur se tema e Ditës Ndërkombëtare e Diversitetit Biologjik për vitin 2018 do të jetë: "Festimi i 25 viteve të veprimit për biodiversitetin".

Tema u zgjodh për të shënuar 25 vjetorin e hyrjes në fuqi të Konventës për Diversitetin Biologjik dhe për të nxjerrë në pah progresin e arritur në arritjen



e objektivave të saj në nivel kombëtar dhe global. Kombet e Bashkuara e shpallën 22 Majin si Ditën Ndërkombëtare të Diversitetit Biologjik për të rritur ndërgjegjësimin dhe përmirësuar vlerësimin e çështjeve të biodiversitetit. Fillimisht, në fund të vitit 1993, Komiteti i Dytë i Asamblesë së Përgjithshme të Kombeve të Bashkuara shpalli si Ditë Ndërkombëtare të Biodiversitetit 29 Dhjetorin, ditën e hyrjes në fuqi të Konventës së Biodiversitetit. Por në Dhjetor 2000, Asambleja e Përgjithshme e Kombeve të Bashkuara shpalli 22 Majin si Dita Ndërkombëtare e Biodiversitetit, për të kujtuar miratimin e tekstit të konventës në 22 Maj 1992 nga Akti Final i Konferencës së Nairobit për Miratimin e tekstit të Konventës së Diversitetit Biologjik. Në mesazhin e tij Sekretari i Përgjithshëm i Kombeve të Bashkuara thekson se "varieteti i pasur i jetës në Tokë është esencial për

mirëqënien dhe prosperitetin e njerëzimit sot dhe të brezave që do të vijë. Për këtë arsye, 25 vjet më parë, Kombet në Botë miratuan Konventën për Diversitetin Biologjik. Konventa ka tre synime: ruajtjen globale të biodiversitetit, përdorimin e tij në mënyrë të qëndrueshme, si dhe ndarjen e barabartë të përfitimeve prej tij. Arritja e tyre

përbën një përpjekje integrale në arritjen e synimeve tona për një zhvillim të qëndrueshëm.

Mbrojtja dhe rigjenerimi i ekosistemeve dhe sigurimi i aksesit në shërbimet ndaj

tyre janë të nevojshme për zhdukjen e urisë dhe varfërisë ekstreme. Reduktimi i shpyllëzimit dhe degradimit të tokës si dhe rritja e stokut të karbonit në pyje, toka të thata, ferma dhe toka bujqësore janë të nevojshme zbutjen e ndryshimeve klimatike. Edhe mbrojtja e biodiversitetit në pyje dhe toka të lagështa ndihmon furnizimin me ujë të pastër dhe të bollshëm.

Këtë vit, Palët në Konventë do të fillojnë punën për një plan veprimi të ri për të siguruar që deri në vitin 2050 biodiversiteti të vlerësohet, konservohet, rigjenerohet dhe përdoret me mençuri për të mirën e të gjithë njerëzve. E gjithë bota duhet të bashkohet në këtë përpjekje. Në këtë Ditë Ndërkombëtare për Diversitetin Biologjik, u bëj thirrje qeverive, bizneseve dhe njerëzve kudo që janë, të veprojnë në mbrojtje të natyrës që na mban. E ardhmja jonë kolektive varet nga ajo."

## 24 Maji - Dita Evropiane e Parqeve

### 24 Maji - Dita Evropiane e Parqeve

Dita Evropiane e Parqeve u promovua për herë të parë në vitin 1999, me nismën e EUROPARC Federation, me qëllim rritjen e profilit të zonave të mbrojtura evropiane dhe gjenerimin e mbështetjes publike për qëllimet dhe punët e tyre.

24 Maji përkujton krijimin e nëntë parqeve të para kombëtare evropiane në Suedi në vitin 1909. Kjo ditë festohet në një sërë qytetesh të mëdha të Europës, ku parqet shërbejnë si "mushkëritë e qytetit" si pasojë e përqendrimit të lartë të trafikut, të industrisë dhe zhurmës.



## NJOFTIME

5 Qershor - Dita Botërore Mjedisit

8 Qershor - Dita Botërore e Oqeanëve

15 Qershor - Dita Botërore e Erërave

17 Qershor - Dita Botërore e Luftës Kundër Shkretëtirimit dhe Thatësisë

21 Qershor - Dita e Liqenit të Shkodrës / Dita e Liqenit të Ohrit

1 - Për të lexuar "Ditari i Natyrës" në vite...

<http://www.inca-al.org/index.php/sq/publikimet/ditari-i-natyres>

## Udhëzime për të kontribuar në Ditarin e Natyrës

Instituti për Ruajtjen e Natyrës në Shqipëri mirëpret artikuj të ndryshëm të cilët ju dëshironi t'i publikoni në Ditarin e tij elektronik. Artikujt duhet të jenë jo më shumë se 200 - 250 fjalë. Ju lutemi të merrni në konsideratë këtë kërkesë, pasi interesi për të shpërndarë artikuj, lajme apo njoftime të ndryshme përmes Ditarit, mund të jetë i konsiderueshëm dhe ne do të përpiqemi për të siguruar hapësirë për të gjithë ju që dëshironi të kontribuoni. Redaksia ruan të drejtën për të shkurtuar apo modifikuar (jo tjetërsuar) tekstin nëse do të jetë e nevojshme.

Ju lutemi dërgoni një foto shoqëruese për artikullin tuaj dhe / ose web - link për referencë të mëtejshme.

Faleminderit për marrjen në konsideratë të këtyre udhëzimeve!

## Grupimi "Të Shpëtojme Arinjtë Shqiptarë"



## Organizatat Partnere të Rrjetit për Mbrojtjen e Natyrës



Botim i Institutit për Ruajtjen e Natyrës në Shqipëri / INCA